

Seme leyal batek, bere erriyari.

DONOSTIYAN

*Donostiya da erri polita
guztatutzen dana añiz,
putsu zulo bat badauka ona
zenbait sendatzen du berriz.
Soka polit bat ibillitzen da
franko eta azko aldiz
burrungillaka aitu artian
gelditutzen ez da begiz.*

*Politagoko erririk ez da
iñun, nere iritziyan,
bat bakarrikan ez dala nago
iruskiyaren azpiyan;
jendia berriz, guztiz bikaña,
eta apaña jantziyan,
biyak bat egiñ, eta oberik
ez da, ez, zeru azpiyan.*

*Zer liteke erri baterako
gauza oberik billatu,
erriya berez polita eta
au dan bezela aunditu.
Urte guchiyan jendiak emen
ugari lana egin du
argatik dute, danen artian
erri eder au edertu.*

*Aundiyak dira izan diraden
nere erriyaren sonak.
¿Non dira orain murru zarrak len
emen ikusten ziranak?
Lurrez ta eche ederrarekin
eztaliyak dira denak
egin dirade, danok dakigu,
argiro onez-ko lanak.*

*Beti du nozki omen aundiya
nere Donosti ederrak;
festa ezkeroz alai dirade
emen gazte eta zarrak;
aziezkero, egiten dira
danok dakigun gauz onak.
Bakarrikan aitoruko du
ondo ikusten dubenak.*

*Nere erriya len zanetikan
berrituba dago asko,
lan eder onak egin dirade,
ez du ezetzik inork esango;
geruago ta etorbide onak
dauzka berri.: aurrerako.
Ez dan gauzikan ez det esaten,
au etzait noski ukatuko.*

JOSE ZAPIRAIN ETA IRASTORZA